



AN DOUE ARC'HANT.

Var an ton *Olifernez.*

Tostaît amàn hac e cleffet
Pe seurt Doue eo a adoret,
A me lavaro deoc'h gaut guirionne
Pehini eo o prassa Doue.

Na gomzin qet deoc'h a idolatriet
Evel a ador ar bayanet ;
Deuz Venus na deuz Cupidon
Ne gomzin qet enep feçon ;

Deuz Jupiter na deuz Bacchus,
Na deuz or Redemptor Jesus,
Pehini a ve gueneoc'h disheuoret
Dre o fos doueou pa o adoret.

Mes hiñi deuz ar re a meuz hanvet
N'en deo o toue ar muya caret,
Pehini eta eo an doue brillant,
Ha me lavar deoc'h an doue arc'hant.

Oh! ma n'effe an Autrou Doue
Qement a joa deus ma ene,
Me lavar dec'h ep laqat mar,
E zine renq huella deuz ar gloar.

Ya, an arc'hant zo muioc'h respetet
Evit n'en deo tri ferçon an Drindet ;
Muioc'h a garante ho peuz oute
A vit a nec'h o peuz deuz o ene.

Ya, bea a ra cals, ha ma teuffe
An diaoui, contrat gantàn a reffe ;
Me gret, evit caouet arc'hant,
E renoncefec'h cren do badiant.

An arc'hant a fel din da gomparassi
Evel deuz eur vanden dridi,
E lec'h a ve cals aneze e chomant
Mes deuz lec'h a ve neubeut e risqant.

Hag etre vezo daou zen var ar bet,
Ambition et vezo bepret,
O clasq gout pehini deuz aneze
En deffe ar brassa bern deuz oute.

An hini en devo ar bern brassa,
Hennez a grio c'hoaz ar muya,
En defot na vel e vern closet,
Hag eur bern nevez commancet.

Mes hervez ar vue temporel
D'an arc'hant eo ret beza fidel,
Rac er bed-mâ, n'en deuz netra
Nemet arc'hant o pe da baea.

Pa zan d'ar foar pe d'ar bardon,
Digoueout gant querent pe gant mignon,
Antren ebars e compagnunez
Eb arc'hant e cavàn diez.

A mar be ebars eun assamble
Jeuyou, pe nep seurt curiosite,
N'em zivertissa, e allàn a dra sur,
Mes ma arc'hant e zo en aventur.

Ar beorien qez gant o ezomou,
Ha ve ive e clasq o liardou ;
Mes d'ar re-ze e vo taillet
Tri lari de rain vit caouet eur guennec.

Pa zeu⁷ map dèn var an douar,
Arc'hant e fot gantàn ractal ;
Ober eur c'hristen deuz eun hugunot,
Da guenta tout arc'hant e fot.

Gant ar gomperien emedi ar c'his
Da roi arc'hant d'an dud a ilis ;
Ar c'hleier en brall, gant an *Te Deum*,
Gonezet eo e zaou scoet gant ar person.

Arc'hant e fot ebars dimizi,
Arc'hant e fot evit eureji ;
Ben receo ar seizvet sacramant
Ez eo necesser caouet arc'hant.

Nep en deuz arc'hant a yelo ez,
Nemez ar guindivri gompez ;
Arc'hant zo da denna dispans
Ha da ober a nevez allians.

Ya, gant an arc'hant e heller
Hag ober tra a disober ;
Mont er meaz e guerent diez,
Da c'hortos mont er briedelez.

Pa viot clàn var o cuele,
En eur goal extremite,
Penaos cavet soulajamant
Mar doc'h privet deuz a arc'hant.

Asten a rer gantan ar vuez,
Hag e diver a rer ivez ;
Lod e sco var boul o c'halon,
O veza bet d'an arc'hant e vignon.

A deuztu pa viot maro,
Arc'hant qerqent hag o seulio ;
A benn po canet ar *Per omnia*,
E reuqer caouet arc'hant da baea.

Noc'h evit antret e carg ebet,
Na gan dén beza respetet,
Ma na peuz arc'hant da brena speret
Muioc'h evit en deuz Doue d'oc'h roet.

Ar sotta dén, mar en deuz arc'hant,
E zo tremenet evit eun dén savant ;
Dén adret eo, ebars er c'honverchou,
Er guer couls hag er marc'hajou.

Ya, e arc'hant et zo bemde
O tont da zestum dezân danve ;
Mes ne qet evelse, e vo lavaret,
Gantàn ema tout a oll speret.

An orgouil, ar superbite,
Gant ar pec'het a vanite,
A laqayo an dén-se da bec'hi,
O cavet eur seurt melodi.

Ya, gant an arc'hant eo permetet,
Ep quiet da goueza ebars er pec'het,
Prena ha guerza er boutiquou
D'ar sul qer couls ha d'ar goueliou.

Hag eur paour qeaz, mar be gueleet
Eur sull o clasq eun tam qeunet,
E laro an autrou qen couls hag an itron :
Henez zo eun dén ep religion.

Ya, gant arc'hant ema commod
Dont d'ober eur binigen vlod ;
Mes an hini zo privet aneze
A rayo pinigen galet bemde.

Memeuz ebars en offiç,
C'hui a assisto ez ebars er sacrific :
Neb en deuz arc'hant da baea
Ne renqo qet chom en e za.

Eur gador dindan ho taoulin,
Plaç da bosa o tiou ilin ;
Pa ma vez ar real en o za,
C'hui bezo cador da azeza.

Ya, gant arc'hant et permet an ilis
Tremen berber ar c'hoaris.
Ya, herve lezen ar bed,
A guir eo qement-se-ta a hui gret ?

Eller profani an daou ugent devez
A reas Ili, or Salver a Moïses,
O yun ebars en desert o zri,
Noz de ep efa na dibri.

A c'hui e fell dec'h gant o arc'hant
Deuz a bec'het beza rentet exant ;
Sulvui e clasquet o plijadurzou,
Sulvui e pelleet d'euz an enonyou.

Eur veich a rez reflexion
O clevet eun dên deuz ar c'hanton ;
O coms din deuz pancion e gaz
E rent ac'hanon estonnet bras.

Ma c'haz a zo eun tamic latous,
Ne gaf get mad ar souben rouz :
Souben a lez, gant a aman rouzet,
E gaf guelloc'h evit souben ar pesqet.

Crampoez fritet, goayen a lez douç,
A laq friant er moutic rouz,
Hag a ra dezàn mont da logota
Qer contant ha qenjoayus a tra.

Me reaz reflexion drist var guement-se,
Eun devez o clevet ma bugale,
On tri pe pevar mis goude Pasq,
O c'houlen ne get echu ar c'hoaris c'hoas.

Ar c'hoaris, ma bugale,
A bad deuz lod a zo bemde ;
A lod all, ne in quet evit ober
Sadorn, na c'hoarais, na guener.

Ya, m'en assur zo qi a cas
Hag a zo druoc'h o repas
Evit n'en deo hini cal's a dud entre,
A n'en deo quet eun eston qement-se.

Eur paour ell antren en o ti,
C'hoant hag ezom dezàn da zibri,
A marteze gant o comso
C'hui en contanto da vont en dro.

Goude-ze e antreo ar bourc'his,
Eun dèn jentil, pe eun dèn a ilis,
Hag a reffet ho tienez
Evit rei frico da henez.

Ya, caer en devo dibri,
E viot beprèt deuz en pourchui :
Debret eta ep complimancho,
Ya, mar qevet mad ar frico.

Gant an dèn-se o veza meulet,
En pec'het Lucifer e coeffet,
Pa voa chaset deuz an conyou
Ebars en fonç an abimou.

Me ho ped da ober reflexion
Var avis ar fur Salomon ;
Disonjet cren ebars en arc'hant,
Evit beza cürus eternellamant.

D'ho zestum c'hui a laqa cal's a boan :
Ho recompañ a vezo bian ;
Marteze ar recompañ o pezo
A vo devi da james ebars ar flamo.

Penaos eta beza qen dallet?
Penaos ta beza qen touellet?
Penaos bean d'an arc'hant qen mignon,
Mar main caus d'ho taonation?

Ar fals pinvidic, ebars ar flamou,
O lesqi gand an diaoulou,
Carguet a guez hag a c'hlac'har
O veza refuset ar paour qeaz Lazar.

Judas a oa eun dên qer mechant,
A verzas eur Zalver evit caonet arc'hant;
Mez p'en devoa anavezet e fot bras,
E oll arc'hant a restituas.

Ma ve an oll examineta,
Ped Judas eta na vo qet cavet!
Ped dên eta a ra ho daonation
O veza d'an arc'hant vignon!

A c'hoas e zoc'h goassoc'h evintâ,
Nag e pe oll arc'hant ar bed-mâ,
Ne zeufac'h james d'ho restitui,
Nag e vec'h et en he hangoni.

D'an amzer ma voa ar Verc'hez Vari
Var ar poent da henel ar Messi,
D'euz a bartout e vize chasetet :
Arc'hant da baea ne devoa qet.

Qement dor a so er parlamant
A zigorer tout gant an arc'hant.
Mes, allaz! dor ar baradoz
Evit arc'hant e chomo cloz.

Hor Zalver en devoa e digoret
Pa voa dre fot Adam serret.
Ya, dre e varo a bassiou sanglant,
Mes ne c'homzer qet d'euz a arc'hant.

Nan, biscoas dén n'em euz clevet
Nag er Scritur n'em euz qet lennet
E ve bet arc'hant biscoas etre e zaouarn,
Mes treuzet gant an tachou houarn.

Allaz ! an hent da vont d'ar gloar
E zo ive dre venez Calvar ;
Ret eo cavet lod er poaniou
Abars jouissa deuz ar joayou.

Nep a ra an titr neve
A zo a viscoas er baourente,
Hag e qeit ma vo var ar bed,
Biqen nemet paour ne ve guelel.

Mes a pez en consol, pa sonj erfat,
O velet omp bugale d'ar memes tad,
E zomp oll breudeur ha c'hoarezet
Galvet d'ar memes eürustet.

Mes laret e ràn gant assurance,
N'hor beuz qet er bed-mâ ar memes chang ;
Lod en deuz cals honeuriou,
Ha lod all n'o deuz nemet croaziou.

Dougomp e gant paciantet,
E bras nimp a vezo recompancet
Er barados en eur gontantamant,
Hep dezir ebet da gaout arc'hant.

